



Inatsisartunut ilaasortaq
Aleqa Hammond
Siumut

§ 37 naapertorlugu oqaatsit pillugit apeqqummut nr. 2011-18-imut akissut

28. januar 2010
Sagsnr. 2010-024961
Dok. Nr. 552281

Asasara Aleqa Hammond,

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

Oqaatsinut politiki pillugu apeqqutinnut Naalakkersuisut qjapput.

Matumuuna Naalakkersuisut sinnerlugit apeqqutitit akissavakka.

Apeqqut 1:

1. juli 2010-mi oqaatsinut politikki atuutilerpoq, inatsimmilu kap. 5-mi allassimavoq suliffeqarfiit kingusinnerpaamik 1. oktober 2010-mi politikkertik naammassereersimassagaat. Suliffeqarfiit qassit maannamut piumasaqaat naapertorlugu politikkiminnit nakkutilliusussaasunut nassiussisimappat?

Akissut:

Inatsisartut inatsisaanni nr. 7-imi, 19. maj 2010-meersumi suliffeqarfiit, oqartussaasut sullissiveqarfiilluunniit oqaatsinut politikiminnik nakkutilliusunut nassiussinissaat piumasaqaatigineqanngilaq. Akerlianik § 6, imm. 2 naapertorlugu nakkutilliusut suliffeqarfiit, oqartussaasut sullissiveqarfiilluunniit qinnuigisinnaavai oqaatsinut politikimik assilineranik nassiusseqqullugit. Aalajangersakkap taaneqartup nakkutilliusussaasut nakkutillinissamut pisussaaffimminnik isumaginnissinnaasunngortippaat. ilisimatitsissutigineqarsinnaavorli suliffeqarfeqarmat sullissiveqarfeqarlunilu oqaatsinut politikiminnik kajumissutsiminnik nakkutilliusunut nassiussisimasunik.

Apeqqut 2:

Politikimik naammassinnissimangitsut inatsit naapertorlugu pineqaatissinneqarsinnaasutut aaliangersagaqarpoq, tamannalu akiliisitsineq qanoq aaqjissuussaava qanorlu annertutigaa?

Akissut:

Naalakkersuisut ilisimatitsissutigisinnaavaat inatsimmi taamaallaat akiliisitsisoqarsinnaammat. Akiliisitsissutit annertussusilerneqarmissaanni ilaatigut unioqqutitsinerup suunera, tassunga ilanngullugu sakkortussusia akulikissusialu apeqqutaasarpoq. Maanna tamatuma erseqqissaavigeqqinnissaanut Naalakkersuisut periarfissaqanngillat.

Apeqqut 3:

Maannamut akiliisitsisoqarsimava?

Akissut:

Nakkutilliisut § 8 naapertorlugu suliassaraat oqaatsinut politikiliortoqarsimanginnera kiisalu sulisitsisup sulisumik, taassuma oqaatsinik ilinniartinneqarnissamik kiisalu kalaallit kulturiannut, oqaluttuarisaanerannut inuiaqatigiinnilu pissutsinut akuliutsineqarnissamik pisariaqartitsinera pillugu immikkut oqaloqatiginninnginnera pillugu naammagittaalliuutinik suliarinninnissaq. Suliffeqarfiit, oqartussaasut sullissiveqarfiillu inatsimmi piumasarineqartut ilanngunneqarnissaannut piffissaqartinneqarnissaat Naalackersuisunit naatsorsuutigineqarsimavoq.

Taaneqareersutut inatsimmi aalajangersakkanik naammassinninnginneq akiliisitsinermik kinguneqarsinnaavoq. Naalackersuisulli pingaarnertut kissaatigilluinnarpaat inatsit oqaatsinik pisinnaasaqalernissamut isumassarsiutaallunilu kajumissaataanissaa. Oqaatsinik pisinnaasaqalernissaq piumassutsimik tunngaveqassaaq pinngitsaaliissutaanani. Soorlu aamma Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq inatsisissatut siunnersuutip pingajussaaneeraneqarneranut allattoq: *“Ataatsimiititaliamit kissaatigineqanngilaq siunnersuutip suliffeqarfinnut pisariaqanngitsumik aningaasartuutaanissaa taamaattumillu pitsaasutut isigineqarpoq oqaatsinut politikki pillugu inatsisip atuutilerfissaata suliffeqarfiillu oqaatsinut politikki pillugu inatsisimmi kapitali 2-mik malinninnissaannut qaammatinik sisamanik ikaarsaariarfeqarnera. Tamatuma kingunerisaanik Ataatsimiititaliamit inassutigineqassaaq Naalackersuisut nakkutilliisussaataasutut aamma atuutsitsilerniarnermi suliimaartut anguniarneqarumaartorlu siunnersuinissaq eqqortitsiniaanissarlu unioqqutitsinerit aallaavigalugit pineqaatissiinissamit salliutillugit.”* (Nutsenera iluarsisaavoq).

Manna tikillugu nakkutilliisunut suli naammagittaalliuuteqartoqarsimangilaq. Inatsimmik unioqqutitsineq politiinut nalunaarutiginninnermik kinguneqarsinnaavoq.

Apeqqu 4:

Oqaatsinut politikkip atuutilerneranit maannamut malinneqarnera/ malinneqannginnera Naalackersuisunit qanoq nalilerneqarpa?

Akissut:

Naalackersuisut naliliipput Inatsisartut oqaatsinut politiki pillugu inatsisaat innuttaasunit akuersaaneqartoq. Oqaatsinut politikiliornissamik piumasaqaat suliffeqarfiit iluminni avammullu attaveqarnerminni oqaatsinik atuinerannik erseqqissaanermik nassataqarpoq. Tamatuma taamatutaaq nassataraa sulisut suliffeqarfinni pineqartuni oqaatsinik pisinnaasaqalernissamut periarfissaqarnerannik erseqqissaasoqarnera, tamatumani suliffeqarfiit arlallit sulisumik oqaatsinik pisinnaasaqalernissaannik kaammattuillutik.

Inussiarnersumik inuulluaqqusillunga

Mimi Karlsen